

大哀經卷第五

西晉三歲竺法護譯

周七

知衆生本行品第十七

佛告族姓子如來見已及他衆生知於往古不可稱計本所行業一世十世百世千世百千世無數世不可計載百千億世天地成敗劫立劫盡亦不可計無能限量天地及劫之返數也而悉知之靡不徹了本於某處名字種姓居止飲食顏色形容壽命長短所更苦樂善惡之事於某處沒生於某處於某處沒

復生彼處言語學問音辭章句而悉說之已身本末一切衆生皆以了了爲衆生講如來咸知衆生因所從來本末根原所更苦樂隨其應時察其本末而爲說法識其過去心所執懷心所抱緣使其墮礙或無朽廢所因興緣本爲何從而有是心如來皆知其一人心所行如是因其行而起陰蔽如來能悉頒宣無數恒河沙劫所行本末亦復觀察一切十方衆生心之本末等無差特說其本際當來亦然心之所緣如來所覩而演本無有過於

此而無窮極是爲如來知其往古過去衆生之心不可思議不可稱量佛之聖智不可稱計如來察於衆生之行心懷恐懼擾擾不安周旋生死某在其處某從其來某本植德本志在佛道或爲聲聞緣覺之乘緣其種德承佛聖慧悉識念之是爲如來而知衆生所植德本因緣之報應其根原而爲說法而令聽者立不退轉各從本行心所信樂使得其所是爲如來第八之業佛於是頌曰
其劫之數無底億垓世之庭燎悉識往古

又察已身及知衆生所觀了了如掌中珠名字種姓顏像亦然住此終沒而周旋處因何所緣而受其身其平等乘演說彼法其有過去無量無底衆人之心所想念法所可由從而其發心最勝大慧而皆知之其中間心四七往古過去因人所行安住悉知恒河沙劫稱量本末咨嗟講說不得涯極當來無底本際之原而爲頌宣往古所行其無儔匹慧不可盡世尊如是聖慧如海若有衆生立德求佛設於過去奉敬最勝

住佛神足力無所畏悉念於此前世所作
世尊皆知衆生所念如其往本所種衆德
悉識於此住三乘者成不退轉解脫淨道
安住別識過世善行一切衆生無能思議
是爲大聖第八之業以化衆生所度無底

徹視品第十八

佛告族姓子如來至真以淨天眼過於凡俗
皆見衆生生者死者微妙瑕穢善惡禍福好
顏醜姿趣安趣苦如其衆生所興禍福報應
之果如其本末悉知斯實其人如是身行惡

口言惡心念毒害謗毀賢聖墜于邪見以此
邪見所行事業壽盡身壞墮於惡趣危害地
獄苦惱之中於是民人其身行善發口言善
心所念善不謗賢聖隨其正見則因正見所
行快事壽盡身散便趣安處快樂世生如來
於彼則以天眼同上如其方面觀諸佛土等如空
界無邊無際思其法界而不可得亦無所著
超過一切諸所句跡其有衆生受形類者敢
有現世皆見終沒而復生者其諸佛土今現
在者皆見有外散壞合成又復所現諸菩薩

衆悉復覩見此盡終沒來就其生而復出家
或復所現坐於樹下成最正覺轉于法輪捨
其壽命而取滅度聲聞解脫滅度皆復見此
緣覺之法顯示神足而爲衆生作祐或有衆
生形不現者外道異學五通仙人眼所不覩
聲聞緣覺及諸菩薩所不能逮如來至真則
以天眼悉覩此類如來見於衆生所有微神
眼如車輪多於三千大千世界其不現者不
可稱載衆生之界如是無量浩浩昊昊無有
涯底如來天眼巍巍如茲悉覩一切諸佛國

土衆生種類本末原界何許衆生佛所應化
而隨律者從其人本修行佛戒尋立其前便
化其人餘人在邊猶不見知是爲如來第九
之業佛於是頌曰

如來之天眼 清淨無垢穢 嚴治無量劫
功德威神曜 觀見於十方 諸佛土衆相
所有及與無 所謂可興衰 彼所有衆生
有色并無色 歸於善惡趣 生上下中間
退沒來受胎 行惡墮苦惱 積德則安樂
最勝悉知此 其諸菩薩衆 一切諸佛土

遊步所作行
出生棄家去
降伏魔官屬
諸佛皆知此
若佛爲法王
逮上最正覺
度脫諸天人
爲作尊佛事
若復現滅度
佛亦悉覩彼
思惟而修行
致尊清淨業
自聞於經道
最勝悉見之
天眼之所覩
清淨無垢穢
普見於衆生

周七

毀咎於生死
緣覺及菩薩
不究竟見界
如來之天眼
微妙身神處

若在佛樹下
天眼悉覩之
所可轉法輪
或復放壽命
其聽導師法
四
衆生根通利
餘人在其邊
天眼之勢力
諸漏盡品第十九

佛復告族姓子如來至真皆盡諸漏以無漏
心而修解脫以智慧度已證神通而導其行
生死已斷建立梵行所作已辦知名色原如

來於彼以無漏慧清淨無垢鮮潔顯曜蠲除一切諸所止處堅礙之蔽諸聲聞衆諸漏所盡而有限礙未至止處其緣譬者所盡諸漏若有限礙於大哀行而無辯才如來至真所盡諸漏衆行普會而悉備足皆除一切諸所止處執懷大哀辯才勇猛而無所畏威神巍巍無能諦察一切世人所不能逮一心一時之業佛於是頌曰

來諸漏盡慧不與一切塵欲堅礙而俱合同是無漏慧住於堅固爲諸塵漏衆生之類講無漏法除諸所著而說經典從不誠思而出生矣衆生由此而成衆漏則受陰入是故汝等觀察而審如來則爲興喻示本而現其前如應說法令知塵欲虛偽無審使知如審以了真諦無受法者是族姓子如來至真第十之業佛於是頌曰

其導師者爲無漏慧明闡廣晉清淨無量所以十力以勢超殊堪住於此篤信遵道

周七
五
儀禮節亦無缺漏猶如虛空而本清淨一切諸魔及諸外道所不能當功德名稱是爲如

諸漏盡慧謂聲聞衆不除止處縛在羣礙人中之上爲衆導師已除止處獨無限礙其得緣覺亦復如是無有大哀及與辯才有佛世尊諸漏已盡以無盡慈辯才無量清淨尊人往無盡慧知其衆人諸漏所因

又其安住不以懈倦亦復未曾減損佛智是故最勝常懷慇懃心恒憐傷頒宣經道佛業如是倫匹若茲是爲十力降伏外道十力所住建立勢強轉無稱量殊勝法輪四無畏品第二十

緣其好此而與衆生不能曉了斯應順跡最勝則爲愍哀此三講無常法苦空非身今此諸法本從無出了是若干致遵佛道亦無有人及與壽命號名爲人所作亦然一切衆生倚此若干世尊興愍故說解脫

佛告族姓子如來至真有四無畏諦住勇猛所作業者吾爲至真等正覺自了知此諸天世人沙門梵志魔王釋梵不能障塞如來之法言不曉了成最正覺未之有也何故如來名等正覺了一切法悉爲平等無有偏黨其

凡夫法及與佛法則悉平等故成正覺其所學法及不學法緣覺之法與菩薩法至諸佛法悉亦等之故曰正覺其計世俗及於度世有罪無罪有漏無漏有爲無爲有數無數此二諸法亦悉等之故成正覺彼何故等以空故等故曰爲等諸見自然以無相等相自然故以無願等三界自然故以無相等所相自然故以無行等行自然故以無起等所起自然故以無依等所依自然故能如審等三世自然故以慧明等無明恩愛自然之故以泥洹等生死自然故又族姓子如來至真於一切法如是平等故成正覺是故名曰平等正覺如其如來曉了諸法成最正覺如是建立住於大哀便爲衆生若干方便種種因緣各爲如應而分別說則歸命法因法而生尋時

滅盡苦惱之原其此非師自稱爲師不尊稱尊未成正覺自謂正覺是故如來於此儕類獨無所畏超絕無侶而無倫匹是爲如來十一之業佛於是頌曰

周七
於諸法平等 由已成正覺 是故平等覺

如來而普視 其凡夫之法 佛法則亦等
所學不學法 及諸緣覺乘 諸有世俗法
及與度世法 諸善不善行 泥洹一等類
解空及無相 爍捐於諸願 無生無所行
等見於此事 等明如是業 所說亦如茲
因此度衆生 是爲大仙法

佛復告族姓子如來自知諸漏已盡彼諸天
人天上世間無能譏謗如來至真敢言諸漏
不盡者所謂如來諸漏盡者如來已脫愛欲
之原心解諸欲無所罣礙又佛心者已度諸

漏蠲除一切塵勞之行無所罣礙是故名曰
如來至真諸漏已盡故顯現世以是聖慧第
一真諦無敢當前能遮蔽法雨當令除滅穢
修之行使其造證是故曰盡無有不盡未曾
生盡以此名爲盡如來所盡謂真諦者無所
復盡已無所盡此則無爲其已無爲彼則無
受無在不在此無處所是謂興立成諸如來
住無所生是諸法住如法界住此爲應慧如
是應者則無所應亦不滅度亦無所成如是

緣法則不可得諸漏形色亦不除漏如來大

哀住權方便皆爲衆生而演經典使除諸漏
是爲如來十二之業佛於是頌曰

最勝已盡諸漏欲 未曾復有貪罣礙
周七
人尊皆脫諸生死 已斷瑕穢無有餘
安住皆棄諸無明 未曾可得愚癡冥
人中師子諸餘見 是故無礙無欲塵
安住所說隨其時 皆盡諸漏無生死

有一事令法廢退何言毀於如來爲不爲一
謂心憒亂不能專精復有二法一曰不慚二
曰無愧復有三法一曰身行惡行二曰口出
麤辭三曰心念毒害復有四法二行於四至
不可至一曰懶怠二曰瞋恚三曰觸忌四曰

住於此界無取作 佛以聖慧度彼岸
曉了是已應說法 是爲安住十二法

佛復告族姓子如來悉了蔽礙塵欲諸罣礙
法而無罣碍天上世間諸天人民無能堪任
毀於如來言不應法於彼何謂廢退於法又

有一事令法廢退何言毀於如來爲不爲一
謂心憒亂不能專精復有二法一曰不慚二
曰無愧復有三法一曰身行惡行二曰口出
麤辭三曰心念毒害復有四法二行於四至
不可至一曰懶怠二曰瞋恚三曰觸忌四曰

愚癡復有五法一曰殺生二曰盜竊三曰貪
婬四曰妄言五曰醉酒復有六法一曰無恭
恪心二曰秘惜經典三曰輕毀禁戒四曰不
隨定意五曰不懷法念六曰憍慢法師復有
七法一曰自大二曰憍慢三曰重慢四曰是
我五曰邪慢問七六曰過諸貢高七曰無能及我
復有八法一曰邪見二曰邪念三曰邪言四
曰邪業五曰邪治六曰邪便七曰邪意八曰
邪定復有九法謂九害惱一曰我所敬者而
輕憐之二曰今現輕憐三曰將來當侵四曰

我所憎者而敬愛之五曰今現欽敬六曰將
來欽敬七曰曾侵毀我八曰今現侵我九曰
將來侵我緣是之故起惱害心復有十法謂
十惡業一曰殺生二曰盜竊三曰婬泆四曰
妄言五曰兩舌六曰惡口七曰綺語八曰無
明九曰鬭諍十曰邪見是爲所行從不順念
見應順法而不愛樂墮於顛倒立在陰蓋依
倚邪見恩愛之弊則失正法遠妨廢身口
心行如來悉知如其所知知諸蔽礙所說如
審如是法者致於蔽礙當除此法已能除去

故爲說法令諸衆生去諸陰蓋超然則出是爲如來十三之業佛於是頌曰

諸最勝曉了法

其習此不得脫

著心懷不能捨

謂不知羞慚者

身口意亦如是

初未能將護斯

貪瞋恚癡恐懼

犯殺生偷竊人

犯人妻妾語醉

說於八邪脫門

若不能制其意

皆妨廢解脫跡

由不捨不順念

乃及十不善句

是等類未解脫

見隨逐顛倒者

而依倚放逸議

不當習如是法

可成茲人中尊

佛復告族姓子如來曉了賢聖所行尋造平等盡諸苦惱衆生習善因是得生若造平等便滅患害假使諸天世間人民不能障蔽如

周七

來正法謂於至尊不應衆聖之所宗奉不任

大道佛永無畏何謂所宗謂一乘道淨衆生

心復有二法一曰寂然二曰所願復有三法

一曰空二曰無相三曰無願復有四法謂四

意止一曰身意二曰痛癢意三曰思想意四

曰意法意復有五法一曰信根二曰精進根三曰意根四曰定根五曰智根復有六法一曰念佛二曰念法三曰念衆四曰念施五曰念戒六曰念天復有七應法一曰意覺意二曰法覺意三曰精進覺意四曰歡悅覺意五曰信覺意六曰定覺意七曰護覺意復有八應法一曰正見二曰正念三曰正言四曰正業五曰正治六曰正便七曰正意八曰正定復有九應法一曰第一禪二曰第二禪三曰第三禪四曰第四禪五曰虛空慧正受六曰

以慧正受七曰不用慧正受八曰有想無想而爲正受九曰滅於一切諸痛思想正受復有十應法一曰離殺生二曰離盜竊三曰離貪姪四曰離妄言五曰離兩舌六曰離惡口七曰離罵詈八曰離綺語九曰離瞋恚十曰無邪見住於正業是謂應行離於所生是爲諸善三十七品合集戒品成於定品合於慧品究竟解品通達度知見品成賢聖諦離於所生復次所謂離於所生謂修行平等賢聖之事所謂應賢聖者彼無法品無二不二有

周七

十一

權無權有進或退若生不生無受無捨道所
越度諸不平等二事之行諸法無二則如審
慧修所依生如來以此無所生行爲衆生說
若能行此衆生歸斯尋盡苦惱是爲如來第
十四業佛於是頌曰

近斯清淨至不可量人所依倚逮致清淨
最勝普聞而悉知之已知經典樂說甘露
至于衆善無數諸法道品清淨爲佛世尊
勇猛習此而得解脫十力所演無有所處
如應順念滅盡塵勞方便等法無憂豐茂

不依於法不倚非法逮平等脫精進平均
其緣善德而依道法恍惚虛無如虛無念
猶如幻化如夢所見彼則得度生死所趣
是爲十力所行之業人所獲致於所周旋
是以大哀而度脫之興隆慈愍於無等倫

十八不共法品第二十一之一

佛復告族姓子如來至真而無缺漏智者愚
者未得未誤失所行正法所以者何如來至
真身行無闕則爲至真平等之覺威神巍巍
端正殊絕威儀禮節視瞻舉動順於等行被

服法衣手執應器行步進止往來周旋經行
坐立倚卧出入郡國州城大邦縣邑聚落足
不踐地千輻相文自然輪現柔軟殊妙香潔
蓮華而現于地如來之足踐於其上其有蟲
蟻含血之類遇如來足晝夜七日而得安隱

周七

壽終之後復生天上其法衣被自然四寸不
覩其體隨嵐之風不能動衣其傍衆生皆得
獲安是故言曰如來之身無有缺漏又族姓
子如來至真有所演辭未曾有短智者愚者
不能得便求瑕闕者所以者何如來至真所

言以時演辭至誠如實無虛應儀合法順如
律教所言平等言行相應語無違失靡不應
時口所說者皆悅一切衆生之心無有復重
義理美要成就莊嚴口演一音悉應衆生志
性所念各得聞知欣然解達是故名曰如來
至真言辭無短又族姓子如來至真心之所
念言無誤失而令智者及與愚者求得便者
心念法失所以者何如來常定無有不寂懷
衆生類得其心本斷除諸失而爲說法是爲
如來十五諸業佛於是頌曰

其尊大人無有闕漏身行口善勝心所念
其世吼護無短無罪愍哀入中憐傷等現
欲求佛失一切悉無以此經法示人今寂

使皆棄此諸瑕闕行是爲最勝十五之業

同七

十三

佛復告族姓子如來至真無有麤教所宣音

響而令諸魔及與官屬并外異學裸形露精
殊別異術而得便者如來無言亦無有聲離
諸倚著如來歎說一切衆生咸皆而受不以
爲有亦復不處在於無爲如來身行靡不究
暢口言無短而令所行人得其便不與世諱

是故如來無有音響常順空行如來無我亦
無所受復無貪業離一切趣是故如來無有
諍訟設無音響因此蠲除衆生音響而爲說
法是爲如來十六之業佛於是頌曰

若聞咎嗟不以懽悅若聞毀訾亦不愁惑
除諸所著亦無倚望一本修善行行無所著
最勝諦修常順空行無我無受彼無憎愛
如其所住講說經法是爲至誠所說尊業
佛復告族姓子如來常念未曾忽忘亦無憤
亂意不迷慌而違遠法也如來常定爲一切

智諸通之慧則以脫門定意正受以無能忘
普見一切衆生心行之所住處觀察其本便
以應義而爲說法不違法義辯才開明隨順
無逆其不忘者去來今慧無所罣礙咸見三
世因其已身及以其心未曾忽忘惣愍十方
一切衆生亦復如是殷勤念濟而爲說法是
爲如來第十七業佛於是頌曰

設無所忘應其說法是諸大聖所行之業
佛復告族姓子如來至真心常靜然無有不
定坐起行步卧寐飲食言辭寂然常以一心
如來至真三昧微妙所度無極越于彼岸禪
思一心初無陰蔽普察衆生諸有形類行定
者不定者永無敢觀察如來思惟念所見心
也除其如來神聖所建作其威靈乃能見耳
周七
設如大聖常定一心三昧亦然不可上下爲
人說法不復觀察所以者何常見一切衆生
心故佛之聖慧巍巍如是不可攀逮玄如虛
導師所念未曾忽忘順從法禪脫門爲行
一切衆生志性所行應其所乏而爲說法
所分別了未曾忘失達於二世應無所犯

空無有表裏靡不通達是爲如來第十八業

佛於是頌曰

佛無進退心常永定行步住止坐卧寐食
言辭寂然無能亂者最勝常定莫敢迷惑
八方上下終無得便亦無敢知其心所定
因其所定爲人說法常演道義是最勝業
大哀經卷第五

音釋

獨主淵益除也切惱惱力董切惱惱謂多惡不調也切惱惱卽計切莫
易輕切觀初觀切裸魯果切慌虎廣切